

Naalakkersuisut siulittaasuat

Landsstyreformanden



Inatsisartuni ilaasortaq
Esmar Bergstrøm
C/O Landstingets bureau
Maani

§ 36, imm. 1, Apeqquut nr. 2008 – 085. Namminersornerullutik Oqartussat ingerlatseqatigiiffiisa akiitsuinut tunngatillugu Esmar Bergstrøm-imiit apeqquut.

**Naalakkersuisu apeqquut:
Namminersornerullutik Oqartussat ingerlatseqatigiiffiisa akiitsui**

1. Namminersornerullutik Oqartussanit ingerlatseqatigiiffiit pigineqartut imaluunniit piginneqataaffigineqartut qanoq annertutigisumik nunatsinni nunanilu allanit aningaasanik attartortitsisartunit atornikuuppat ?
2. Akiitsunit qanoq annertutigisumik Namminersornerullutik Oqartussat qularnaveeqqusiippat?
3. Nukissiorfiit ingerlatseqatigiiffingortinneqassappata kiisalu Namminersornerullutik Oqartussat sanaartornernut aningaasaliissutigisartagaat Nukissiorfinit aningaasanik attartornikkut matussusinerneqassappata qanoq annertutigisumik aningaasanik attartortoqassava ?
4. Nukissiorfiit ingerlatseqatigiiffingortinneqassappata Namminersornerullutillu Oqartussat ALCOA-mut peqataanerat Nukissiorfitsigut ingerlanneqalissappat qanoq annertutigisumik Nukissiorfiit aningaasanik attartortariaqassappat.

1-imut tunngatillugu:

Namminersornerullutik Oqartussat suliffeqarfiutai tamarmik aktiaselskabinut inatsit aamma ukiumoortumik naatsorsuutit pillugit inatsit naapertorlugit naatsorsuutininik saqqummiussisussaapput. Naatsorsuutini, aamma ukiumoortumik nalunaarusianik taaneqartartuni, nammineq aningaasaatit, allat aningaasaataat aamma aktianik aningaasaatit kisitsisitaat takuneqarsinnaapput.

Ingerlatseqatigiiffiit oqimaaqatigiissitsinerini suliffeqarfiup aningaasaatai suminganeernersut sumullu atorneqarsimanersut takuneqarsinnaavoq.

Tassunga atatillugu aamma suliffeqarfik sumut aningaasanik akiitsoqarnerisooq takuneqarsinnaavoq. Suliffeqarfiit amerlanersaat aningaaserivinnut aningaasalersuisartunullu aningaasanik akiitsoqarput soorlu aamma akiligassaqarfinnut ataasiakkaanut akiligassaqartartut, tassunga ilanngullugu

3. oktober 2008
Sags nr.
2008-011319
Dok. nr. 96285
Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

aamma Namminersornerullutik Oqartussat ingerlatseqatigiiffiit akileraarutaat aamma sulisut ataasiakkaat akileraarutinut akiluteqarnerinut atatillugu akissarsiat. Taamaattumik Kalaallit Nunaanni nunanilu allani taarsigassarsisitsisartunut aningaaserivinnullu allanut Namminersornerullutik Oqartussanit pigineqartut ingerlatseqatigiiffiit qanoq akiligassaqarnersut imaasiallaannarlugu naatsorsorneqarsinnaanngilaq.

Ingerlatseqatigiiffiit ataasiakkaat ukiumoortumik nalunaarusiaat CVR.DK-mi aamma ingerlatseqatigiiffiit ataasiakkaat nittartagaanni tamanut saqqummiunneqartarput. Nunami namminermi pissutsinut ingerlatseqatigiiffinnullu immikkoortortaqaqfik suliffeqarfiit nittartagaannut tamanut atassusiisarpoq. Suliffeqarfiit tamarmik aktieselskabinut inatsit malillugu, kukkunersiuusumit taamatut akuerisaasumik kukkunersiorneqarsimasunik naatsorsuutunik tunniussisussaapput. Tamanna naatsorsuutini paasissutissat eqqortuunerannut namminersornerullutik oqartussat nakkutilliineraat.

2-mut tunngatillugu:

Apeqqutip 1-ip suliarineranut atatillugu soorlu oqaaseqarfigineqartoq ingerlatseqatigiiffiit ataasiakkaat naatsorsuutaannit Namminersornerullutik Oqartussat pisussaaffeqarnerat takuneqarsinnaavoq. Itisilernerqassaarli aktianik ingerlatseqatigiiffiit akiitsuinut Namminersornerullutik Oqartussat killeqartorujussuarmik pisussaaffeqartarmata. Tamanna assersuutigalugu pisinnaavoq suliffeqarfik ataaseq aningaasaqarnikkut annertuumik aarlerinartorsiortillugu taamaattumillu akiliussisussamaatitaanikkut qularnaveeqqusiinikkulluunniit qularnaveeqqusiisussamik pisariaqartitsilluni. Qularnaveeqqusiinermut assersuut alla tassaasinnaavoq sanaartornermut aalajangersimasumut aningaasaliinissaq siunertarlugu suliffeqarfiup annertuumik taarsigassarsinera. Apeqqutip taassuma akineqarnerani allermi takuneqarsinnaavoq sunut qularnaveeqqusiisoqarsimanersoq. Namminersornerullutik Oqartussanit pigineqartut suliffeqarfiit aktianik ingerlatseqatigiiffinnut allanngortinnerinut isumami tunngaviusoq tassaavoq suliffeqarfiup ingerlatsinera allaffissuarmiit 'immikkoortinneqarsimanissaat' taamaalillunilu naalakkersuinikkut imaluunniit aningaasaqarnikkut akuliuffigineqanngitsumik suliffeqarfiup pingaarnertut ingerlatassani aallussinnaallugit. Tamanna aamma isumaqarpoq ulluinnarni ingerlatsinermut qitiusumik allaffeqarfissuup tungaaniit akulittoqassanngitsoq soorlu aamma suliffeqarfik aamma qitiusumik allaffissuarmut akissuteqarnissamut nukinnik

pisariaqanngitsunik atuissanngitsoq, akerlianilli aki eqqortoq atorlugu innuttaasunik eqqortumik sullissinissami aallutissallugu.

Suliffeqarfinnut aningaasaqarnikkut ajornartorsiuteqartunut tunngatillugu Namminersornerullutik Oqartussaniit maannakkut qularnaveeqqusiisoqarnikuunngilaq.

Sanaartugassanut anginerusunut aningaasaliinernut atatillugu Namminersornerullutik Oqartussat "ilisimanninnermut nalunaarummik" allagaqartarput, tassani nalunaarutigineqarluni ingerlatseqatigiiffik sanaartugassatigut annertuumik aningaasaliisussanngortoq ilisimallugu. Taamaalilluni qularnaveeqqusiisoqanngilaq, taamaallaalli nalunaarutigineqarluni ingerlatseqatigiiffinni iliuuserineqartut naalakkersuisunit ilisimaneqartut. Taamaalilluni immap naqqatigut kabeliliinermi Telep aningaasaliineranut atatillugu aamma umiarsuarnut Royal Arctic Linep aningaasaliineranut atatillugu ilisimanninnermut nalunaarutininik allagaqartoqarpoq. Taamatut qularnaveeqqusiisoqarpoq suliffeqarfiit pitsaanerpaamik erniatigut atugassinneqarnissaat qulakkeerniarlugu. Namminersornerullutik Oqartussat isumaqarput sanaartornernut aningaasaliinernut qularnaveeqquserneqartunut ernianut akilersuutinullu suliffeqarfiit nammineq akiliisinnaasut, soorlu aamma Namminersornerullutik Oqartussat isumaqartut pigisat nalingi aningaasaatinik qularnaveeqquserneqartunit annertunerusut.

3-mut tunngatillugu:

Inatsisartut 22. septemberimi 2008 aalajangiinerannut innersuussillunga Nukissiorfiit Namminersornerullutik Oqartussanit pigineqarluni aktianik ingerlatseqatigiiffinngortinnissaanut siunnersuut Naalakkersuisunit tunuartinneqarpoq.

Nukissiorfiit Namminersornerullutik Oqartussanit pigineqarluni aktianik ingerlatseqatigiiffinngortinnissaanut siunnersuusiornermut atatillugu Aningaasanut Nunanullu Allanut Naalakkersuisoqarfik missingersuusiorsimavoq Nukissiorfiit ukiut sisamat, 2009-2012, ingerlanerini 1,2 mia. kr.-it missaannik taarsigassarsiniassasoq. Kisitsisinut taakkununga ilaapput Ilulissani erngup nukinganik nukissiorfissaq sulii aalajangiiffineqanngitsoq kisianni Paamiut erngup nukinganik nukissiorfissaq ilanngunnagu, maannakkut misissorneqartoq. Kisitsisit taamaalillutik tullerriaarneqartussanngorput, tassa sanaartugassanut aningaasaliinissamut tunngasuummata taamaattumillu – aningaasaliinerit ilai eqqarsaatigalugit – kinguartinneqarsinnaallutik.

Inatsisissatut siunnersuut maannakkut Naalakkersuisunit tunuartinneqarpoq, tamannalu Inatsisartunit akuerineqarpoq, siunnersuullu taamaalilluni UKA 08-mi suliarineqartussaananani.

4-mut tunngatillugu:

Apeqqut 3-mut akissut takujuk.

Ikinngutinnersumik inuulluaqqusillunga

Hans Enoksen